



Broj: 02-11-856/22-AP-11
Datum: 20.04.2022. godine

Na osnovu člana 25. i 70. Zakona o javnim nabavkama (Službeni glasnik BiH, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu (Službeni glasnik Općine Zavidovići, broj: 4/2021 i 5/2021) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Redovno održavanje lokalnih cesta“, Gradonačelnik Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača GTPD „POROBIĆ d.o.o. ZAVIDOVIĆI za javnu nabavku radova „Redovno održavanje lokalnih cesta“, sa ukupnom cijenom od 86.147,20 KM (slovima: osamdestšesthiljadastočetrestsedam i 20/100 KM) bez uračunatog PDV-a, odnosno 100.792,22 KM (slovima: stotinhiljadasedamstotinadevedesetdvije i 22/100 KM) sa uračunatim PDV-om, prihvata kao NAJPOVOLJNIJA PONUDA.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-856/22-AP-3 od 16.03.2022. godine pokrenut je postupak dodjele ugovora za javnu nabavku radova „Redovno održavanje lokalnih cesta“, putem otvorenog postupka za koji je dana, 16.03.2022.godine upućeno Obavještenje broj 1374-1-3-41-3-18/22 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 06.04.2022. godine 12,00 sati dostavljeno su 3 (tri) ponude, i to ponude sljedećih ponuđača po prijemu prispjelo: 1. „BN TRANSPORT“ d.o.o. ZAVIDOVIĆI; 2. GTPD„POROBIĆ“ d.o.o. Zavidovići. 3. „MGV GRADNJA“ d.o.o. Zavidovići.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

Nakon utvrđivanja sadržaja svih podnesenih ponuda, Komisija za javne nabavke utvrdila je da su ponude ponuđača: GTPD „Porobić“ d.o.o. Zavidovići i „MGV Gradnja“ d.o.o. Zavidovići, formalno ispravne - tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke. Ponuda ponuđača „BN Transport“ d.o.o. Zavidovići se odbacuje kao neprihvatljiva jer nije formalno ispravna i tehnički zadovoljavajuća i ne sadrže sve priloge tražene tenderskom dokumentacijom.

Ponuda ponuđača „BN TRANSPORT“ d.o.o. Zavidovići je od strane Komisije za javne nabavke ocijenjena neprihvatljivom iz razloga što ponuđač nije dostavio običnu kopiju odgovarajućeg bankovnog pisma koja potvrđuju likvidnost preduzeća, da račun dobavljača nije blokiran u zadnjih šest mjeseci kao ni izjavu o ukupnom prometu ponuđača za posljednje 3 (tri) finansijske godine ili od datuma registracije, odnosno početka poslovanja na istim ili sličnim poslovima; što ukazuje da ponuđač nije dostavio dokaz o ispunjavanju ekonomske i finansijske sposobnosti u skladu sa članom 47. ZJN, što je i u suprotnosti sa tačkom 14. tenderske dokumentacije. gdje jasno stoji, Ponuda mora sadržavati najmanje: g) Izjava o ispunjenosti uslova iz tačke 47. stav (1), tačka a) i d) i stav (4) Zakona o javnim nabavkama sa običnom kopijom zahtijevanog dokumenata. Nadalje ponuđač nije dostavio Potvrde o uredno izvršenim ugovorima, a što je zahtijevano tačkom 14. tenderske dokumentacije.

Radi navedenog ponuda ponuđača „BN TRANSPORT“ d.o.o. Zavidovići se smatra neprihvatljivom za Ugovorni organ, te se ponuda odbacuje kao neprihvatljivu u skladu sa članom 68. stav (4) i) ZJN.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 11.04.2022. godine, Komisija za javnu nabavku Grada Zavidovića dostavila je Zapisnik o pregledu i ocjeni ponuda broj: 02-11-856/22-AP-9 od 12.04.2022. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	GTPD„POROBIĆ“ d.o.o. ZAVIDOVIĆI	86.147,20 KM
2.	„MGV GRADNJA“ d.o.o. ZAVIDOVIĆI	89.487,00 KM

Ponuda ponuđača „POROBIĆ“ d.o.o. ZAVIDOVIĆI u postupku javne nabavke radova „Redovno održavanje lokalnih cesta“, sa ukupnom cijenom od 86.147,20 KM (slovima: osamdestšesthiljadastocetrdestsedam i 20/100 KM) bez uračunatog PDV-a, odnosno 100.792,22 KM (slovima: stotinu hiljadasedamstotinadevedesetdvije i 22/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Redovno održavanje lokalnih cesta“, te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

PO OVLAŠTENJU OPĆINSKOG
NAČELNIKA broj 02-05-4/17-AP-73
od 03.10.2017. godine
SEKRETAR GRADSKOG
ORGANA DRŽAVNE SLUŽBE

Dostavljeno:

1. Učesnicima u postupku
2. U spis.

Obradila: 
(Sanela Mulahasanović)

Kontrolisao: 
(Midhat Bajramović)

Nermin Čahtarević, dipl. pravnik

